



SAKSFRAMLEGG

Saksnr:	Utval:	Dato
	Bygdeutviklingsutvalet	

Sakshandsamar:	Arkiv:	ArkivsakID
Tore Henrik Øye	FA-V12, FE-223	23/1031

HANDSAMING AV SØKNAD OM BYGDEUTVIKLINGSMIDLAR TIL SKILTING AV BYGNINGAR PÅ DALE

Vedlagte saksdokument:

søknad skilting 23-08-02.pdf

Kommunedirektøren sitt framlegg til vedtak:

Bygdeutviklingsutvalet løyver kr. 50 000,- i bygdeutviklingsmidlar til Dale sentrumsforeining og Vaksdal historielag for å setje opp namne- og informasjonsskilt på utvald bygningar med kultur- og lokalhistorisk verdi på Dale

Tilskotet vert løyvd som eit "fast" eingongsbeløp. Beløpet skal nyttast til tiltak som går fram av søknaden.

Det vert føresett at huseigarane har gjeve løyve til å setje opp skilt.

Tilskotet vert betalt ut etter innsending av sluttrapport, med betalingsoppmoding og kostnadsdokumentasjon.

Løyvinga gjeld i to år, fram til og med 01.10.2025.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 265 000,- til fordeling ved søknadsrunden i september 2023. Det kom inn 11 søknadar, med ein samla søknadssum kring kr 760 000,-.

I søknad av 02.08.23 søker Dale sentrumsforeining og Vaksdal historielag om kr. 100 000,- i bygdeutviklingsmidlar til skilting av bygningar med kultur- og lokalhistorisk verdi på Dale (16 i talet).

Kostnaden med skilting er budsjettert til kr. 486 900,-. I dette inngår innhenting av informasjon, tekstutforming, skiltkostnadar, oppsetjing av skilt og verdien av dugnadsarbeid.

Med bakgrunn i målsetjinga til bygdeutviklingsmidlane, søknad sitt innhald og tilgjengelege midlar, går Kommunedirektøren inn for å løyve kr. 50 000,- til tiltaket («fast» stønadsbeløp). Grunngevinga tek utgangspunkt i lokal kulturhistorie og kunnskapsformidling.

Bakgrunn for saka

Bygdeutviklingsutvalet har lyst ut ny søknadsrunde for Bygdeutviklingsmidlane, med kr. 265 000,- til rådvelde. Det kom inn 11 søknadar, med ein samla søknadssum på kr. om lag kr. 760 000,-.

Målet med tilskotsordninga er stimulere til aktivitetar og opplevingar som fremjar involvering og trivnad i lokalsamfunnet. I dette høvet kan lag, organisasjonar, verksemdar og einskildpersonar søkje om tilskot prosjekt eller gjeremål med ålmennyttig verdi.

I sin søknad av 02.08.23 søker Dale sentrumsforeining og Vaksdal historielag si arbeidsgruppa for skilting av bygningar med kultur- og lokalhistorisk verdi på Dale, om kr. 100 000,- i tilskot til å setje opp skilt på utvalde bygningar i bygda. I dette høvet er det lagt fram følgjande kostnads- og finansieringsplan:

Budsjett	Sum	
Innhenting av informasjon og tekstutforming	+ kr	17 500
Skiltkostnad med skruar	+ kr	139 200
Oppsetjing	+ kr	5 600
Sum kostnad	= kr	162 300
Dugnadsinnsats	- kr	23 100
Udekka finansieringsbehov	= kr	139 200

Skiltprosjektet tek utgangspunkt i at Dale har ei interessant lokalhistorie, utsprungen frå tidlegare industrireising i landet, der den mest synlege delen er knytt til bygningane. I denne samanheng meiner søkjar det er viktig å ta vare på og formidle kulturhistoria til innbyggjarar og besøkjande. Det er difor starta eit initiativ for å setje opp skilt på 16 bygningar, med kort informasjon om bygningane sin bakgrunn og funksjon, for å gje eit lite innblikk «tilbake i tid».

Søkjar skal innhente løyve frå huseigarane og delta med eigenfinansiering.

Det vert vist til søknaden for nærare informasjon om tiltaket.

Formelt grunnlag:

- «Retningslinjer for tilskot til bygdeutvikling», vedtekne 26.05.20.
<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar:

Søknaden vert vurdert som tilstrekkeleg opplyst for sakshandsaming og vedtak etter gjeldande krav.

I følge bygdeutviklingsmidlane sine retningslinjer skal midlane brukast til ålmennyttige føremål og leggje til rett for aktivitet i bygdene, med varierte opplevingar og levande bygdeliv. I dette inngår mellom anna tilskot til materiell og utstyr ved gjennomføring av ulike gjeremål og prosjekt.

Kommunedirektøren vurderer at sentrumsforeininga og historielaget sitt prosjekt om skilting av kulturhistoriske bygningar på Dale, fell inn under bygdeutviklingsmidlane sitt føremål.

Prosjektet handlar ikkje direkte om aktivitetar og opplevinga, men å leggje til rette for dette gjennom informasjons- og kulturformidling i det offentlege rom, tilgjengeleg for «alle». Tiltaket vil på denne måten opplyse om lokal bygningshistorie, som kan vere lite kjend for mange som ferdast på Dale. Dette kan soleis auke medvitet kring kva vi har rundt oss, og gjerne auke interessa for å vite meir. I tillegg kan skiltinga leggje til rett for organisert kulturformidling for innbyggjarar og tilreisande, om dette er av interesse.

Kommunedirektøren vel også å sjå planlagt skilting i samanheng med «Liv og lyst»-prosjektet på Dale, med mål om å skape aktivitet, oppleving og bu-lyst

Ut frå søknaden sitt innhald, bygdeutviklingsmidlane sine retningslinjer gjer Kommunedirektøren framlegg om å løyve kr. 50 000,- til planlagt skiltprosjekt. Dette er gjort med bakgrunn i innkomne søknadar, totalt søknadsbeløp, og tilgjengelege midlar. I dette høvet har det vore naudsynt å gjere prioriteringar ut frå ei samla vurdering.

Tilskotet er kr. 50 000,- mindre enn kva det er søkt om.

Innstillinga er å løyve tilskotet som ein fast tilskotssum, uavhengig prosentvis finansiering av total kostnad. Soleis vert ikkje tilskotet bunde opp mot at alle investeringsplanar må gjennomførast, men heller ei gjennomføring i høve til tilgjengelege midlar.

Bygdeutviklingsmidlane sine retningslinjer seier at det skal takast omsyn til geografisk fordeling ved bruk av midlane, og at bygder som ikkje har fått midlar tidlegare, skal prioriterast. Her har dei fleste bygdene i kommunen fått tildeling, som regel fleire gonger, også Dale. Dette omsynet er teke med i vurderinga av søknaden.